

四庫未收書輯刊編纂委員會編

四庫未收書輯刊

北京出版社

伍輯・貳拾肆冊

四庫未收書輯刊

四庫未收書輯刊編纂委員會編

北京出版社

〔明〕許弘綱撰

羣玉山房文集
七卷疏草二卷

清康熙百城樓刻本

伍輯・貳拾肆冊目錄

羣玉山房文集七卷疏草二卷〔明〕許弘綱撰

一

芝園稿二十八卷目錄二卷〔明〕趙世顯撰

二九三

公餘草就三卷〔明〕汪可進撰

六二一

冰玉堂詩草一卷〔明〕王永光撰

七二三

留夷館集四卷〔明〕鄧漢撰

七五九

〔明〕許弘綱撰

羣玉山房文集
七卷疏草二卷

清康熙百城樓刻本

大司馬少薇許公著

群玉山房文集

百城樓藏板

群玉山房文集
前大司馬少薇許公著
愛之心難進易退之節正身型俗
之矩載在

國史備於家乘卓然不朽名臣也公
棄世已若干年人猶景企不置由
公當日奏疏猶存及坐平著述歷
歷可考也閱時久版漸湮沒其後

脩將重壽之梓而屬余為之序竊
士君子出而見用於世其見於
伐遠乎時會之通然惟見于論列
者則隨地有當盡之職隨時有應
進之言然得於利害一休於中則
喋口縮舌以自全者比之皆是誰
肯痛哭流涕長太息輕犯至尊之
威以快其議論之所及不遇受言

之立其獲罪蒙譴何可勝道況公
 並仕之時何時乎萬曆中年廟堂
 養拙默之癰臣列興元黃之戰君
 子小人之辨清公則持國是存政
 體回上怒達下情侃侃鑒之以矢
 陳而不失忠厚之風故蒙特論平
 正之褒且其內使四出征湖稅征
 室稅加派頻繁海內騷然公先後


條奏參稅監留粵稅耗害忌器之
 嫌卒能委曲調停俾上成轉圜之
 美其他有失必糾有愆必通未易
 更僕數愛感世危治朝之臆亘日
 星而昭河嶽雖時代已移易而讀
 公疏草猶可見公之心蓋公所素
 具者貞純之心也而即潔白之心
 也觀夜告有軒見於製錦洗心有

亭見於建乎其始終于功名者皆
 始終於貞純潔白之一心也公履
 盛知退屢在告里居讀集中諸作
 競惟顯親是圖而并孝于於外
 家公忠誠著于國孝友著於家胥
 於是集微之余所以捧讀其集累
 合其人而不忍釋也公籍婺之東
 陽余兒子曾姓承之權嬖之義烏

因屬余兒子來請今草數語郵寄
 義烏弟諭兒子曰許公由縣令起
 家能望主如是、即爾之歸表也
 當錄其集一通為朝夕鏡而以原
 本歸其裔以待其刻之成余亦得
 挂名於名臣之集以傳不大幸歟
 時

康熙壬午中秋

賜進士第翰林院侍讀學士吳趨後
學沈朝初拜撰



李四

群玉山房文集叙

自昔人有三不朽之說而立言與立德立功遂
鼎足千古予以為非言能不朽原本德功以為
言斯言不朽也無德無功雖有言終不可以言
言也古帝王之典謨與其功德俱懋可勿具論
當其時左右大臣如臯夔禹棄之在唐虞伊傅
周召之在商周未嘗以言自表著而其當日之
賡歌訓誥皆足以贊襄至治鼓吹休明蓋其人
有言非言言有言皆其原本於德功者也原本

鄭氏

於德功以為言是誠無意於言者無意於言而
言立焉斯其言大非後世文人之言矣後世文
人之言皆其有意於言者也有意而言即如叶
宮調徵鏤虎雕龍不過流連於月露之形變幻
於風雲之態而已求其有造於斯民有裨於家
國直如塵樓土餅而無所用大言而無造於斯
民無裨於家國乃猶抗顏自負於不朽之盛事
也豈不顧厚而怙悞哉 大司馬許老先生所
謂無意於言而言立者也先生誠心實行偶有

元衛自初服以至歸休未嘗少變是故數歷三
朝而為朝野所依重聖明所眷注者始終一日
豈特不可今人目之即古人亦與之頡頏者亦
不多矣所著有群玉山房文集篇帙不繁而義
理精至大率身之所履手以傳之心之所蘊筆
以紀之一生不肯沾一文人自命而其言正非
文人自命者可敢望故人以為先生之言而余
以為非先生之言先生之德之功也所謂無意
於言而言立者也予嘗統論三代以下之立言

鄭序

二

者西漢有隨陸鄒枚班馬而以推貴栗治安陸
天人三策三國有應劉阮禰諸子而獨稱出師
二表暨偉長中論唐有劉柳元白等而敬輿之
奏議奕選之原道特聞宋有錢楊歐蘇諸公
而文章經國者輒歸韓范司馬繼述道統者則
曰濂雒關閩至於昭代文章之士如信陽北地
歷下瑯琊諸賢競秀雲蒸霞變曷可枚舉而一
代之所尊崇其言以為高山之仰景行之行者
則莫如三楊劉顧及李南陽王三原王新建諸

元老由是觀之先生言之可重不可知乎先生
立朝訐謏壯猷焜煜一世原不徒以言重而先
生之言反以先生之人重余故以為先生之言
非先生之言先生之德之功也原本德功以為
言其言且將與唐虞三代之大臣爭烈而漢唐
宋以及昭代之碩輔不問而信其為伯仲等直
也天子於先生之卒震悼賜祭余承乏寶婺奉
命有事於先生之塋事竣先生之子郡守公以
先生文集付余叙余何能以言重先生第余重

鄭序

三

先生之人重先生之言則不能無言於先生之
言云爾

崇禎辛巳午日鄴下鄭滂書於金華公署之仙
石軒



羣玉山房文集目錄

卷上一

績溪縣丈量敘

丈量冊後敘

留都仕集敘

浦陽義泉朱氏次譜敘

重脩義烏縣志叙

張武選君近述錄敘

赤岸馮氏重脩族譜敘

梅岡先生詩集敘

羣玉山房集目錄

重脩家譜敘

給諫姚公疏草敘

會源蔣氏族譜敘

重脩家譜敘

侍御衡菴鄭公文集敘

燕遊草敘

送邑侯惕弦黃父母入覲敘

賀鳳梧張公祖榮轉大叅敘

賀邑侯惕弦黃父母考績貤封敘

賀浙西周兵憲敘

送義烏周令公調德清敘

卷下一

賀金華龍令公考績貤封敘

賀振龍郭侯榮轉敘

送蔡侯入覲敘

送金華龍父母入覲敘

賀貢侯榮封敘

賀貢侯榮滿敘

賀鄭大尹榮覲敘

躬符柯侯德政錄敘

羣玉山房集目錄

張母趙太孺人八旬壽敘

賀岳父丁翁六旬壽敘

賀盧母胡太夫人七十壽敘

賀太學敬輿湯公六十壽敘

賀岳母虞太安人七十壽敘

賀學正江魯南配樊夫人入袞敘

賀趙大巍表兄七十敘

賀禹南盧親翁七十壽敘

賀盧親母趙宜人七十壽敘

賀方伯王廻溪六十敘

家禮要敘

昭仁許氏作求錄敘

唐詩彙抄敘

附頌跋約

奉賀柯父母奏續承恩頌

雙慕冊跋

趙完白書卷跋

宗族燕會約 前篇

宗族燕會約 後篇

歸全菴議約

羣玉山房集 目錄

祔後亭訓語 二篇

卷二

碧霞羽客傳

陳對湖先生傳

徐雲臺先生傳

赤岸樂善處士馮公傳

昭仁許氏源流傳

岳母許孺人小傳

卷三

洗心堂夜告軒記

右華周公生祠記

余峰張侯去思碑記

重脩崇正書院記

石井潭龍王廟記

端州公署夜告亭記

孫塢記

卷四

明故處士友塘丁公偕配王孺人合葬墓誌

銘

明故處士貴塘丁公偕配許孺人合葬墓誌

羣玉山房集 目錄

銘

誥封恭人都察院右僉都御史甘公元配吳

夫人墓誌銘

學正魯南江公墓誌銘

明故太學生君垣李生偕配許孺人合葬墓

銘

明故可菴趙公偕配盧安人合葬墓誌銘

明故文學吾泉先生墓誌銘

明故介石吳公配虞孺人合葬墓誌銘

明故誥封中大夫湖廣布政使司右參政近

槐王公暨元配杜淑人合葬墓誌銘

明故王府典儀華南丁公偕配許安人合葬

墓誌銘

明故文學星垣陳先生墓誌銘

明故贈徵仕郎蘇州衛經歷緯宇丁公墓誌

銘

明故大中大夫廣東參政梅巖蔡公墓誌銘

明故刑部員外郎禹南盧公偕配趙宜人合

葬墓誌銘

明故處士一山趙公墓誌銘

羣玉山房集

目錄

五

明故處士樂山葉公墓誌銘

附墓表

明故處士郭公配盧氏合葬墓表

卷五

祭方伯懷莘盧公文

奠亡室丁孺人文

祭丁二尹文

祭甘中丞配吳夫人文

祭松南葉老師文

祭先姑文

祭柳春沂年丈文

祭劉健菴督撫文

祭徐石樓年丈文

祭趙上乾主政文

祭張三陽親翁文

祭祝浩峰年丈文

公奠浙撫蘇封翁文

祭王太蒙年丈文

祭徐觀我中丞文

祭蔡梅巖薦師文

羣玉山房集

目錄

六

祭張太夫人文

祭周寅所年丈太夫人文

祭姚通所太母文

祭趙姑文

祭母舅李怡亭公文

公擬祭松江郝二尊文

祭左年伯文

祭張母毛太夫人文

祭岳父丁華南公文

祭金親母文

辛亥京察宿院告天文

度庾嶺祭張曲江相公文

祭威靈胡公文

先考百歲祭文

岳父華南丁公百歲祭文

祭禹南親翁文

祭岳母許氏安人文

卷六

王府典膳裕菴丁公行狀

總戎雪湖王公行狀

羣玉山房集 目錄

先考妣行狀

卷七

高伯祖考尚德公像贊

高祖妣王安人像贊

曾祖妣龔安人像贊

祖妣金安人像贊

叔祖考周宇公像贊

少軒兄像贊

龍光侄像贊

岳父華南丁公像贊

岳母許安人像贊

少華丁公像贊

鶴亭丁公像贊

節嬪朱母薛太孺人像贊

汝用先生像贊

冲元楊公像贊

彬明葉兄像贊

岳父趙處士公像贊

岳母處安人像贊

廸吾蔣翁像贊

羣玉山房集 目錄

處士丁公像贊

入

目錄終

羣玉山房文集卷上一

婆東許弘綱著男

嘉祐

欽定

嘉祐

嘉祐

欽定

曾孫

荃

元孫

佳來

重輯

淳鈞

脩來

敘

續溪縣丈量敘

今

上御極之九年歲在辛巳

羣玉山房集

卷上一敘

詔曰今天下承平日久強者兼弱者削稅不當於

其產民重困焉咨爾郡邑其祖原額清丈之務

稱朕意於是公卿之謀畫者悉殫厥心有司百

執事爭奔走服勞以共承

天子明詔母忽也令始下時當予甫視邑商諸邑

父老言人人殊或者曰績之爲土窄且饒民剛

而尚氣畫疆以守世無越焉彼狡焉者欲求多

尺寸道無由也業素定而更定之將必有奸頑

起射利焉是以清之之故溷之也猶治絲而棼

矣且民勤於役費將不貲弗丈便或者曰不然

田之丈也豈以役民將浮糧務去耳績小而衝

攝乎大國彼逃亡遺負者尸相望焉非浮糧之

以耶不以此時歸稅之產自宜宜公家

之賦謂窮節何且一勞之逸覽贊永寧古之訓

也丈之便議持兩端遲且踰月會有

詔趨有司毋懈勞毋以小民不願爲藉口於是言

不便者誦矣爰布令稽舉簡役而責成焉約法

數十與共守之始事於季秋之望凡三易期而

工成役之興也予以申綬屬江文學取常縣

余曰披褐阡陌問江文學之涖邑也惟恪籍庫

羣玉山房集

卷上一敘

藏傍巡警調停上下間井井如也予是以無內

顧憂得大肆其力于履畝崇山複嶺鳥道幽居

孤智之所卑荆棘之所聚足跡徧焉時值嚴冬

萬象凋落或晨起履霜堅冰滿澤澗水無聲重

寒削肌凜不可禦或晝臨大澤彤雲若塗四顧

慘澹頃之則大風蓬蓬起塵砂蔽目牧馬悲嘶

衆皆袖手停弓相對欲淚已而侍吏市酒進分

厄勞之始有人色或偶入谷中日三四竿矣用

澤薰蒸濛濛出氣沾衣襲人咫尺如失或曰是

且近于瘴焉而卒莫之避也閱數旬則山川景

物俱入目中民間疾苦詢訪殆盡老幼日與令相忘至則擁馬首而恬不爲意矣丈既竣按畝登諸籍又凡數月而始定字源不易存舊額也編號以次象魚鱗也圖形必肖便稽查也官民一則從近例也多餘不科遵

明詔也墾畔免量遺民利也開墾額產畝同稅而不同步別其等也版成而類上之司徒披籍賦民民始稱便一切耕傭之輩產無立錫室如懸磬而驚駭於胥徒流移于打門催稅者若一洗而去矣紛爭勞費始雖果若人言藉令以不便

羣玉山房集 卷上一 敘

三

雍德意績民寧有息肩之期耶一勞而久逸暨費而永寧父老其見

德化之成哉嗚呼役興而與民習其事業就而與民樂其成令之職也不可以無言於是乎述始末而爲之敘

丈量冊後敘

余常窺石焰鑿祥雲陟大鄣之巔徘徊三天子都而不能去也當吳越之分野績殆其上游歟故水走四鄰無入者其商賈之利不通而四方之財不聚有繇然矣男子躬耕以爲養故不廢膏粱女子辟繡以貿資故舞羅綺力作而用儉蓋公劉氏之遺民也昔人有言擇瘠土而處之勞其民而用之嗟夫瘠土入薄勞民力疲卒遇凶荒饑饉而撫之不時則殆矣予觀夫崇山峻嶺歷數百仞而上者猶布之種浮砂磊石幸

羣玉山房集 卷上一 敘

四

什百而一收者猶樹之種土瘠民勞孰甚於此哉幸墾土未租民食其力稍稍享遺利焉今弓步所施無遺咫尺后將按畝而科之追同其孰肥孰磽耶且裂疆以求鄰多寡稅虛源而無產者其山凡二百頃有奇巖石而不毛者其山又百頃有奇至歲開月闢陞而爲田地塘者尺寸亦皆山也欲無失額得乎東支西吾增此補彼猥云足額難乎爲下矣

詔曰茲役之有闢土無增糧民是以謹呼承德意卽有多餘亦上之司徒不敢隱也萬一披籍

者據是生侈心謂續固沃壤也而繭絲之真莫
尾其竟哉予之治績甫聞歲僅僅與清丈相始
終生息休養百不一焉民未蘇也故詳民困于
篇末俟來蘇者

留都仕集敘

盧君汝鳴家三峰下甘 枕郭而面陽東西兩
峴鬱鬱蔥蔥若拱揖於前而交相獻秀也君曰
是且排闥顧我顧不稱嘉賓哉因稱賓峴而人
亦曰賓峴先生云盧之以科第貴者不啻箭竹
而君三世入貲爲郎皆中徒博士業大父午峰
公簿祁門父東峰公簿靈川而君得江寧江寧
故京北屬邑五陵豪貴之浸淫剗夸任俠闕雞
走馬踟躕而六博者不少也故簿階視郡國稍
進體貌視郡國稍隆而賦獄之繁視郡國恒什
羣玉山房集 卷十一 敘 六
五君下車自中丞京兆暨諸御史臺無不嘖嘖
江寧簿者人謂所居良赫赫江寧應不負君而
君遽上書乞休不亟去不已也嗟嗟士亦志進
取耳當盧君屈首受書膠序時鬱鬱不自得至
用貲徒入成均志豈須臾忘馳騫耶簿雖羸足
以自樹孰與朝游而夕去之必置身蓬萊乃媿
快哉天下之物重視之而重得之則他日必重
失之烏雞之嗜鼠卽且之甘帶彼其徘徊係戀
而不能舍者視之重也誠幻居之而幻去之則
害虞之揖讓杯羹耳彼巢由下務之流所以子

予焉沉淵洗耳而不聒者固未嘗以天下天下也盧君始厄於膠序而入成均繼厄於成均而就邑簿閱三十餘年博一官而竟不勝其終朝之一擲則自下車之後以迄投轄之先寧復有身家一念葆之者而欲其聲名之不赫赫得乎君既歸日益徜徉兩峴下髮之白者日以黑顏之渥者日以丹而日益揚其聲於里閭爲後生法蓋庶幾其旋元吉者余少習君及兩郎君因獲覩其所爲留都仕集與夫薦紳先生之爲詩古文詞相贈炙者乃余生平嚮往君則不以仕而以止誠謂夫能仕者未必能止而其汲汲於止者正所以仕而赫赫也嗚呼鐘鳴漏盡而夜行不休世豈少哉此宜視盧君爲何如人兩峴靈或羞與寶主矣

羣玉山房集卷上一 敘

七

浦陽義泉朱氏族譜敘

不穀童而受詩家大人已命釋去更從吾泉朱先生受春秋先生爽朗高潔遺金三拾而三返之家徒四壁晏如也尊人靜軒公寢疾垂十年先生衣不解帶世稱篤行君子先生謝不敏曰余小子方潦倒學宮其敢博名高于蟬翼凡余夙夜所不敢康有先君子之訓在先君子規言矩行守完璞以貽後昆九京日邈而閭巷之稱潛德者必曰靜軒翁靜軒翁當其身如不及也而余小子何敢焉蓋余宗自槐里公正諒公來而名在漢唐之籍矣譬諸桑欽水志則崑崙星宿也余不敢盡徵徵其近者斷自余邑西朱始邑西之有朱氏自宋端拱間始也余祖承事公官于發因家焉一傳而寺丞公臨再傳而刺史公適之四傳而進士公綴六傳而吏部侍郎公質暨進士公羣侍省進士公寓彬彬箭竹也厥後西朱之析者爲馬豹橋爲桑庄爲橫街爲陽山頭爲赤塘藥店之析者爲富陽馬山馬豹橋之析者爲黃大塘橫街之析者爲茜溪爲四牌樓爲下珠阪四牌樓之析者爲十六都崑崙之

羣玉山房集卷上一 敘

八